







17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46

2452.60
E-13.5
08.1527.1
4
32.4









漢石例卷六

寶應劉寶楠錄

總例

碑文隔圈例

嵩嶽太室石闕銘○惟中□□云云○潁川太守京兆杜陵朱寵云云金石

萃編

兩漢金石記曰前銘句後系官名各以一圈標置於首亦金石文所罕

見

碑文空字例

樊安碑詔下空二字書年月隸續碑式

侯成碑銘後空五字書夫人卒同上

開母碑石闕銘重曰空二字金石萃編

空字書年月者別異於碑文也空字書夫人者附錄也空字書重曰者



斷章也據隸續漢碑皆有穿穿處皆空字此不在空字之例隸續又言郭究碑銘詞規步履方之上虛一字般阮神碑末行空九字有一人題名又空三字楊厥碑厥當作換高祖受命垂筆甚長所使兩字許又空兩字方書其下一句雍勸關銘第一重首行及第四五行七字餘皆虛其下一字案楊厥碑命字垂筆侵兩字故復空兩字句皆四言使之相齊雍勸關銘三行七字餘行皆虛一字則句有短長字有多寡不能畫一故也其餘無故空字意如隸續所載周憬碑陰空行以避石之裂路耶

碑文出格例

孔廟卒史孔龢碑制田可高出一字隸續碑式下同

袁逢修華山廟碑高祖太宗孝武仲宗並別行高出一字樊毅修華廟碑高祖應道出碑

一字與此同

華山亭碑皇帝永思高出一字謁者景君碑皇帝賜高出三字後世二擡頭其始於此邪曹騰碑皇太

后及先帝高出一字

韓勅後碑皇漢高出一字

劉寬碑天子閔悼高出一字

案碑文推尊本朝以明臣子之敬其高出碑文宜也隸續載韓勅前碑

皇戲統華胥高出一字皇戲即伏羲此猶為尊敬古皇之義錢氏金石文跋尾云

自皇戲統華胥而下五十二句句皆四言獨皇戲句五言而皇字特跳上一格書之殊不可解竊意此字後人妄加王氏懷祖漢隸拾遺云錢說是也原碑皇字出格至隸釋則與各行平列矣兩漢金石記乃謂皇字筆法與前後正合非後人妄加則是不論行之高下句之短長而但以爲之乎案錢氏王氏並以皇字為疑此不知尊敬古皇特跳一格之例孫叔敖碑最後一行書年月高出一字則非禮之敬矣至于楊震碑

陰複姓者十二人惟公王子舉上官祖信成君嚴三川宣口四人各高

出其列一字楊著碑陰複姓者五人獨相里文調高出一字右三人沛

君生亦高出一字此何說也桐栢廟碑末有兩行題侍祠官屬以春秋

二字各題本行之上並屬不經故悉不錄

碑文提行例

楊厥碑厥當高祖受命平闕隸續下及注同

右推尊本朝提行以見敬楊統碑孝順皇帝老子銘皇上曹騰碑陰制

曰蔡湛碑聖朝史晨饗孔廟碑朝廷等字皆提行是也凡碑文別有提

行如遇皇帝制詔等字當出格以明臣子之恭韓勅後碑皇漢高出一

字孔聖平闕尊君敬師二者交盡是也許君宗寅曰魯峻碑事帝則如忠帝字提行亦尊君之義

別無提行即以提行為推尊之義不定出格掣經室三集釋宋戴公戈文云戈之內有字二行一

字曰朝夕行八字曰王商戴公歸之造口按王字提行推尊本朝也此制周已然

華山亭碑西嶽至尊平闕

右提行以尊神孫叔敖廟碑陰相君有三嗣平闕亦尊神之義

韓勅後碑孔聖平闕

右提行以尊聖史晨饗孔廟碑昔在仲尼別作行此斷章非尊聖

山陽太守祝睦後碑祝君平闕此墓碑也戚伯著碑前五行叙其先世至

叙君今別作行馮緝碑將軍體清守約將軍平闕略同若北

海相景君碑屢稱明府獨伏惟明府一句明府字平闕不可解

李翕邨閣頌太守漢陽李平闕此德政碑也校官碑深陽長潘君別作行

廟碑袁府君及京兆尹皆平闕帝堯碑故濟陰太守平闕此推尊祭廟修廟之官用德政碑例也

右提行以尊所敬

孔廟卒史孔龢碑讚曰平闕

右斷章提行北海相景君碑亂曰楊渙碑序曰李翊夫人碑歎曰並提

行又李翕邨閣頌頌後又有詩並別行

孔廟卒史孔龢碑兩元嘉三年及永興元年皆平闕司徒司空府亦平闕

右案牘提行史晨饗孔廟碑兩尚書字平闕例略同 陔餘叢考曰凡

奏事遇至尊必高其字於衆行之上蓋自古已然魏志景元元年詔尊

崇燕王之禮凡奏事上書稱燕王者皆上平可見古時凡稱君上高出
本文之上今日上平蓋另行起而與本文相平以殺於天子之式爾案
高出本文卽出格另行起而上平卽提行

碑文空行例

度尚碑文十五行空三行刻立碑年月

隸續下及注同

右碑文已了空行書年月帝堯碑逢童子碑空一行書年月例同

綏民校尉熊君碑文十七行財及碑之平其後空數行書文春事又空一
行書杜暉事末行書年月及碑師姓名與杜暉相隔亦數行

右碑文附載二人事如史之附傳故空行以別之

馮緄碑文十四行後空三行書威宗得諡之因

右碑文附載他事亦空行別之

羊竇道碑前有文六行空一行後有文九行崖石有裂路文避石裂故字

數不等

右空行避裂路蔡湛碑文十三行空一行方刻銘又空一行低二十三
字刻年月續書除并州事周憬碑陰上一列二十三人下一列前空七
行所題者八人又空六行刻工師姓名其亦石有癡瑕與

碑文低行例

劉寬碑末行低數字書門生商苞等姓名

隸續下及注同

楊渙碑文後一行低二字書趙邵等三人姓名末行低七字書魏伯玉徙
官

李翁西狹頌末有小字題名二行低四字許

廣漢長王君碑末行低四字書立石人名

低行有二義一以見碑文已了一以見卑者賤者當謙下若蔡湛碑低
二十三字刻年月度尚碑低十三字刻年月逢童子碑低二十許字刻

年月字少不滿行故也不在低行之例

重字旁註二字例

司隸校尉楊孟文石門頌清涼調和二艾寧又君德明二熉煥彌光又

無偏蕩二真雅以方又垂流億載世二嘆誦又勤二竭誠榮名休麗二隸釋

石門頌又云中遭元二西夷虐殘隸釋曰鄧騰傳元二之災注云元二

即元也古書字當再讀者即於上字之下為小二字言此字當兩度言

岐州石鼓銘凡重言者皆為二字明驗也趙氏云此碑有日不悟致斯垂舛

戎虐殘橋梁斷絕若讀為元二不成文理疑當時自有此語漢注未必然

予按漢刻如北海相景君及李翊夫人碑凡重文皆以小二字贅其下此

碑有烝絜明明蕩蕩世世勤勤亦不再出上一字然非若元二遂書為大

二字也又孔耽碑云遭元二轉軻人民相食若作元二之間嘉德布流三年零陵

民漢注之非明矣王充論衡云今上嗣位元二之瑞皆同則論衡所云元二者蓋謂即

紀所書建初三年也鄧君傳云永初元年夏涼部叛羗搖蕩西州帝紀班師

在二年十一月則此傳所云元二者亦謂元年二也

案隸釋考證甚精確恐後人仍以爲重字故附錄其說

北海相景君銘元二鯨寡蒙祐以寧又再命虎將綏元二兮

李翊夫人碑疇匹號兮鳴譽二又魂魄孤兮獨笑二又嗟日遐兮適省二

重句旁註二點例

故民吳仲山碑奈何二隸釋

鐘鼎文凡子子孫孫疊字或作二點或旁注小二字見博古圖諸書文

多不錄餘叢考曰凡重字下者可作二畫始於石鼓文重字皆二畫

也後人襲之因作二點今并有作一點者二孔氏廣森經學危言召南委

蛇蛇案古書遇重讀者每于各字下疊小二石鼓文君子員獵員獵員

旂即書作君子員二獵二員旂味書樂志載諸樂府辭皆如是若秋胡

行云願二登二泰二華二山二神二人二共二遨二遊二也此詩舊本似亦作委二遊二故沈重誤讀

耳案作二點始見於秦刻擘經室三集秦琅邪臺石刻拓本跋云碑所

存者首行五夫二三字二行五夫二楊穆五字十行史夫二臣德昧死

言臣九字是也

銘詞稱詞例

元儒先生婁壽碑詞曰皇矣先生懷德惟明云云隸釋

綏民校尉熊君碑詞曰赫赫熊君遷基口宇云云同上

司徒掾梁休碑詞曰口口文允垂棘云云隸續

銘詞稱詞常例也然各碑皆作辭說文詞意內而言外也釋名詞嗣也今撰善言相續嗣也是詞為正字辭為假借爰錄三碑以示例焉

銘詞稱銘例

司隸校尉魯峻碑銘曰巘巘山岳礪落彰較云云隸釋

恭冕曰較與較同廣雅較明也

封邱令王元賓碑銘曰於穆王君穹天生德云云隸續

銘義見墓碑例

銘詞稱誄例

北海相景君銘誄曰伏惟明府受質自天云云隸釋

誄義見德政碑例

銘詞稱歎例

李翊夫人碑歎曰陰陽分分鐘律滋星月列兮有四時云云隸釋

說文嘆吞歎也一曰太息也歎吟也段氏注曰嘆歎二字今人通用毛

詩中兩體錯出依說文則義異歎近於喜嘆近於哀故嘆訓吞歎吞其

歎而不能發太息別一義與喟義同樂記一唱而三歎有遺音者矣又

云長言之不足故嗟歎之嗟歎之不足故不知手之舞之足之蹈之喟

然歎曰皆是歎字檀弓曰戚斯嘆嘆斯擗詩云而無永嘆慨其嘆矣愾

我寤嘆皆是嘆字案嘆歎對文則別如說文及段氏所引是也散文則

通如此碑及祝長嚴訢碑見卷一碑文是也劉向九歎序云歎者傷也

息也言屈原放在山澤猶傷念君歎息無已此歎可通嘆之證

銘詞稱頌例

文烈侯楊公碑頌曰魏魏聖猷匪師不昭云云蔡中郎集

此墓碑也中郎集劉鎮南碑交趾都尉胡夫人黃氏神誥太傅胡公夫

人靈表隸釋冀州刺史王純碑幽州刺史朱龜碑益州太守高頤碑隸

續成臯令任伯嗣碑並稱頌

東海廟碑頌曰浩浩倉海百川之宗云云隸釋

此廟碑也隸釋三公山碑梁相孔耽神祠碑並稱頌

李翕析里橋郁閣頌頌曰□□□□降茲惠君云云同上

此德政碑也頌義見墓碑例 叙文亦稱頌山陽太守祝睦後碑是日頌

伊余祝君兆自黎辛又曰鄭有祝聘者君其肩也云云 隸釋 不別為例

銘詞稱讚例

孔廟置百石孔龢碑讚曰巍巍大聖赫赫彌章隸釋

讚義見墓碑例

銘詞稱敘例

深陽長潘乾校官碑敘曰翼翼聖慈惠我輶蒸云云隸釋

敘義見德政碑例

銘用三言例

國三老袁良碑飛清邈紛其厲云云隸釋

山陽太守祝睦碑懿我君國之光云云後碑銘文亦三言

竹邑侯相張壽碑亮元德於我君云云

隸釋郎中馬江碑北軍中候郭仲奇碑圉令趙君碑相府小史夏堪碑

隸續司徒掾梁休碑冀州從事郭君碑銘文並三言不備錄

銘用六言例

太傅胡公夫人靈表頌曰悲母氏之不永懷殷恤以摧傷云云蔡中郎集

銘用七言例

張公神碑碁水湯湯揚清波東疏口折口于河云云隸釋下同

此廟碑也梁相孔昫神祠頌銘文亦七言不具錄

桂陽太守周憬功勳銘乾此剖兮建兩儀剛柔分兮有險夷云云

此德政碑也

冀州從事張表碑於穆君兮煥流芳闡洪軌兮休烈彰云云

此墓碑也李翊夫人碑銘文亦七言見前

銘用長短句例

緩民校尉熊君碑追敘君兮懷純精名稱於州里兮樞機發動執忠貞兮

溷亂而不惑云云隸釋

益州太守無名碑仲尼去魯兮君子失路喪賢君兮與誰想云云同上

此用楚詞體也有四言銘文忽接入長短句者議郎胡公夫人哀讚讚

愍予小子夙罹孔艱云云疾大漸以危童幼胡根碑碑云於惟仲原應亟兮精微微而浸哀云云蔡中郎集氣淑靈云云惜繁

華之方晁兮望嚴霜而凋零云云同上李翊析里橋郡閣頌頌云口口口口降茲惠君云

山崔隗兮水流蕩蕩云云隸釋其例同案銘詞用四言常例也間有三言六言七

言長短句爰著為例獨無五言蓋五言似銘非銘似詩非詩故不用冀

州從事張表碑皆四言韻語末四句五言堂邑令費鳳碑誄後載施業

戚忠竭力送終之事皆五言費鳳別碑先敘世系歷官繼以韻語六十

句其三句六言餘皆五言並見隸釋非正例也不錄

銘詞分章例

張公神碑作歌九章頌公德芳其辭曰碁水湯湯揚清波云云見前九章相接各

字一酸棗令劉熊碑口詩三章其辭曰清和穆鑠實惟乾以云云隸釋三章皆提行

案銘詞皆一章如頌體此則如風雅體特著為例

銘後書亂曰例

北海相景君銘誄曰伏惟明府受質自天云云簡曰考積幽夢□□□兮
云云隸

此墓碑也巴郡太守樊敏碑益州太守無名碑同

巴郡屬國辛通達李仲曾造橋碑辭曰□□我邦乾川垂極云云亂曰□

□我君明且□兮云云同上此營建碑

都鄉孝子嚴舉碑頌□□□□爰曜隆赫云云亂曰休哉休哉□□君□

云云隸續此旌表碑

國語閔馬父曰昔正考父校商之名頌十二篇於周太師以那為首其

輯之亂曰自古在昔先民有作温恭朝夕執事有恪案此則樂之卒章

名亂史記孔子世家關雎之亂以為風始是也關雎葛覃卷耳燕禮鄉飲酒禮合樂時方歌此

四篇篇末並有亂曰宋玉以後騷賦家競倣其體延及漢末碑刻亦然

三章於樂為卒章於詩為首章故云亂為始

王氏逸注離騷曰亂理也所以發理詞指總撮其要也屈原舒肆憤懣

極意激詞或去或留文采紛華然後結括一言以明所趣之意也韋氏

昭注國語曰凡作篇章義既成撮其大要以為亂辭詩者歌也所以節

舞者也如今三節舞矣曲終乃更變章亂節故謂之亂也

銘後書重曰例洪氏與祖楚詞遠遊篇重曰補注重直用切

開母廟石闕銘□□□□□□百川云云以上重曰□□□□德洋

溢而溥優云云金石文

楚詞遠遊重曰春秋忽其不淹兮奚久留此故居云云王氏注憤懣未

盡復激辭也洪氏離騷經補注離騷有亂有重亂者總理一賦之終重

者情志未申更作賦也金石文字記曰石闕銘重曰二字出楚詞遠遊

篇所謂言之不足而長言之也并叔語以為重日而云是年月一行按

此一行今存六字二年之下重日之上空石未鐫益明其非紀日矣漢

書班倅仔自悼賦文選潘岳寡婦賦亦竝用重曰二字

銘後書敘曰例

司隸校尉楊孟文石門頌辭曰君德明二炳煥彌光云云序曰明哉仁知

豫識難易云云釋

銘詞稱敘已見前此於銘後復稱敘曰者孔子贊易在本經之後詩書

序史記漢書序傳亦在全書之後此用其例也 案銘後稱亂稱重稱

敘猶例之正也孝廉柳敏碑故孝廉柳君云云其體乃敘厥辭曰惟斯

柳君云云其體乃銘末用嗚呼懷哉二句又似誄辭曰山陵元室口斯

邦兮云云又似銘文無定則不可為法

國號上加大字例

史晨饗孔廟後碑大漢延期彌歷億萬隸釋下同

綏民校尉熊君碑大漢龍興口舉鄉口

光祿勳劉曜碑天臨大漢錫呂明喆

吉成侯州輔碑大漢典制有恩澤之封

司馬相如封禪文揚雄解嘲河東賦班固兩都賦張衡東京賦馬融廣

成頌稱大漢又漢書賈讓奏言見溝志淮南王安上書見本傳後漢書和熹

鄧皇后紀岑彭耿弇祭遵耿純竇憲杜林朱浮張純曹褒鄭興陳寵班

超王符張皓蔡邕左雄李固段熲杜篤謝夷吾諸傳皆稱大漢西南夷

傳載白狼王唐菽等詩亦稱大漢蓋夷夏通稱也亦稱盛漢見後漢書楊敞傳

國號上加皇字例

韓勅修孔廟後碑皇漢帝元永壽三年隸釋

皇之為大帝訓也班固西都賦蓋聞皇漢之初經營也皇漢即大漢

國號上加聖字例

桐柏廟碑位比諸侯聖漢所尊隸釋下同

太尉劉寬碑聖漢王侯繼次有國有號

太尉楊震碑聖漢龍興楊熹佐命趙相劉衡碑亦云聖漢龍興

開母廟石闕銘第七行□□□亨亨上是聖漢禋三字王氏懷祖曰聖

漢二字雖模糊而可辨禋字左邊尚存右邊聖字上半模糊而下半分

明亨即享字 漢書賈捐之陳湯平當揚雄王莽後漢書隗囂桓譚郎

顛班彪陳寵盧放諸傳並稱聖漢案光武七年詔曰其上書者不得言

聖則聖漢乃漢人臨文之常言也陳寵當章帝時上書已稱聖蓋光武

詔自是謙德臣下上書稱聖禮固應爾亦稱聖朝隸釋樊毅復華下民

租田口筭碑誠聖朝勞神日昃稟長蔡湛頌聖朝明哲冀州刺史王純

碑聖朝嘉君後漢書朱雲傳稱聖朝亦稱聖帝廣漢太守沈子琚縣竹江堰碑聖

帝明明是也亦稱聖上見漢書藝文志

國號上加神字例

周府君碑額神漢桂陽太守周府君功勳之紀銘釋

神漢猶聖漢

書四時天名例

文翁石柱記漢初平五年旻天季月集古錄隸釋作益州太守高朕修周公禮殿記金石錄云今成都府

學有漢時所建舊屋柱皆正上方上狹下闊此記在柱上刻之隸釋亦云此記刻于東南之一柱亦木爾歐陽氏以為文翁石柱記者誤

爾雅秋為旻天毛詩黍離傳仁覆閔下則稱旻天然則旻天者對春夏

冬言則為秋天之名散則天之通稱也

書太歲例

逢童碑歲在協給其後題光和四年四月五日丁卯立金石錄 又巴

殺阬君神祠碑迄光和四年作詔之歲以作盟為作詔出漢書天交志隸釋下同

桂陽太守周憬功勳銘於是熹平三年歲在攝提

堂邑令費鳳碑惟熹平六年歲格於大荒隸續冀州從事郭君碑君年卅一以光和二年大荒較紙月戌申晚留而終案光和二年歲癸丑則大荒較必非大荒落紙月二字亦不可解附誌俟攷

右書歲名 案書歲名必繫以年代或碑末補書年代隸釋載李翊夫
人碑曰歲在大淵獻碑文既不繫年代碑末又不補書年代不可為例

武氏石闕銘建和元年太歲在丁亥金石錄隸釋敦

金鄉長侯成碑建寧二年歲在己酉又夫人以延熹七年歲在甲辰云云隸釋

下同

司隸從事郭究碑中平元年歲在甲子

綏民校尉熊君碑建安二十一年太歲丙申

右書干支 隸釋載戚伯著碑云歲在丁亥前後俱無年月洪氏推較
以為建武或章和案碑後闕文其有年月與否無以明之若本無年月
則亦撰文者不知體例故也 日知錄曰甲至癸為十日日為陽寅至

丑為十二辰辰為陰此二十二名古人用以紀日不以紀歲歲則自有

闕逢至昭陽十名為歲陽攝提格至赤奮若十二名為歲名後人謂甲
子歲癸亥歲非古也自漢以前初不假借史記歷書太初元年年名焉

即闕逢攝提格月名畢聚日得甲子夜半朔旦冬至其辨晰如此若呂

氏春秋序意篇維秦八年歲在涖灘秋甲子朔賈誼鵬賦單闕之歲兮

四月孟夏庚子日斜兮鵬集予舍許氏說文後敘粵在永元困頓之年

孟陬之月朔日甲子亦皆用歲陽歲名不與日同之證漢書郊祀歌天

馬徠執徐時謂武帝太初四年歲在庚辰兵誅大宛也又曰歲之稱甲

子也借也自亡新始也王莽下書言始建國五年歲在壽星填在明堂

倉龍癸酉德在中宮又言天鳳七年歲在大梁龍集庚辰厥明年歲在

實沈倉龍辛巳隋書律歷志王莽銅權銘曰歲在大梁龍集戊辰又曰

龍在己巳歲次實沈是也自此後漢書張純傳言攝提之歲倉龍甲寅

朱穆傳言明年丁亥之歲荀悅漢紀言漢元年實乙未也曹娥碑亦云元嘉元年青龍在辛卯蜀郡造橋碑云維延熹龍在甲辰而張角訛言蒼天已死黃天當立歲在甲子天下大吉以白土書京城寺門及州郡官府皆作甲子字矣案顧氏謂干支紀年始於亡新非也王氏予中白田草堂存稿曰書詩春秋傳國語戰國策其紀年雖不以甲子而亦無有以闕逢攝提格爲歲名者惟呂氏春秋有歲在涇灘賈誼鵬賦有單闕之歲之語疑出於戰國時星家別爲之名故史記歷書以是紀年而他紀傳則略無所見甲子歷術篇與天官書亦有不同而漢志所書亦小異則爾雅所云已不盡可據況爾雅博士立於王莽時王莽最爲慕古而其下書云癸酉云庚辰云辛巳不以歲陽歲名則可知古之不以歲陽歲名紀歲也索隱謂爾雅近代之作故與史漢志有不同者則不知古人紀歲從爾雅所云乎抑從史漢志乎爾雅亦有月陽月名史歷

書歲名闕逢攝提格月名畢聚固一例也可謂古人以月陽月名紀月乎古人簡質紀年但以一二數而不及甲子且爾雅云太歲在甲曰闕逢太歲在寅曰攝提格則是先有甲子乙丑而後別爲之名不知古人何以支贅若此乎以顧氏之博學而所引據止呂氏春秋賈誼賦及許叔重說文後敘亦可知前之一無所據矣又黃帝素問亦戰國之書其論運氣則以甲子紀年不以歲陽歲名蓋不可以一二數故變而從甲子則固不始於王莽也而謂古人必以歲陽歲名紀年豈其然乎案王氏謂干支紀年不始於莽是也至於月名紀月古人有之國語至於元月隸釋益州太守城垣碑至于元月本此是春秋時以月名紀月也楚詞離騷云攝提貞於孟陬兮是戰國時以歲名月名紀月也歲陽歲名月陽月名當是一時所制後人紀歲或用歲名或用干支初無定例淮南子天文訓云攝提格之歲單闕之歲執徐之歲大荒落之歲敦牂之歲協洽之歲涇灘

之歲作鄂之歲掩茂之歲大淵獻之歲困敦之歲赤奮若之歲此以歲名紀年也又云淮南元年冬太一在丙子錢氏塘補注武帝太初元年太歲在丙子淮南王安以文帝十六年自阜陵侯進封是年下距太初元年六十算則太歲亦在丙子矣名太一為太歲從其本名太一在丙子即闕逢攝提格之歲又云太陰元始建于甲寅錢氏補注此太陰在闕逢攝提格之歲非太歲也此太陰紀年之義錢氏以太歲太陰為二與廣雅異而干支紀年無異此以干支紀年也陔餘叢考曰爾雅太歲在甲曰闕逢乙曰旃蒙在寅曰攝提格卯曰單闕雖有闕逢等名而曰在甲在乙是未嘗不以紀歲又曰律歷志有太歲在子太歲在丑之又則以之紀歲矣建子建丑建寅之異其朔則以之紀月矣漢書五行志有日加巳日加未之語則以之紀時矣此皆在新莽以前不得謂自莽始也蓋干支之義所該者廣甲子與攝提格之類字雖異而義本同古人恐年月日時易混故

分別紀之其實一也 邵氏晉涵爾雅正義曰爾雅所釋歲名即春官馮相氏掌十有二歲之位也十二歲為一終合歲陽於歲名終十二歲者五積歲六十是謂一周爾雅所謂月名即馮相氏所掌十有二月之位也合月陽於月名亦六十而一周至於自甲至癸馮相氏所掌十日之位也自寅至丑馮相氏所掌十有二辰之位也十日十二辰數窮六十周則更始六六相乘準以敘歲古者紀歲紀月各有定名所以驗天行之轉也故歲陽歲名月陽月名次之

書倉龍例

韓明府修孔子廟禮器碑永壽二年青龍在涪灘集古錄

外黃令高彪碑光和七年龍在困敦碑末惟中平二年龍旂奮若釋隸

山陽麟鳳瑞像碑漢盛德中興即政二年辛酉之部首歷六十麟青龍起

蟬爾雅注單闕音丹過一音蟬媽永建二年歲在丁卯故此碑用蟬媽字與蟬同隸續

右書歲名

曹娥碑以漢安迄于元嘉元年青龍在辛卯古文苑

文翁石柱記漢初平五年倉龍甲戌顏有意謂獻帝無初平五年當是與

號不通故仍稱舊號也今檢范氏漢書本紀初平五年正月改為興平顏說是也集古錄

荆州刺史度尚碑永康元年龍集丁未釋

蜀郡屬國辛通達李仲曾造橋碑惟延熹龍在甲辰上同

右書干支 倉龍即太歲廣雅釋天青龍天一太陰太歲也王氏疏證

曰爾雅太歲在寅曰攝提格淮南子天文訓太陰在寅歲名曰攝提格

開元占經歲星占篇引許慎注云太陰謂太歲也天文訓又云天神之

貴者莫貴於青龍或曰天一或曰太陰太平御覽引尚書考靈耀青龍

甲寅攝提格孳鄭注云青龍歲也歲即太歲周官保章氏十有二歲之

相鄭注云歲謂太歲歲星為陽右行於天太歲為陰左行於地十二歲

而小周是也或曰攝提開元占經歲星占引甘氏云攝提格之歲攝提

在寅歲星在丑是也青龍或曰倉龍漢書王莽傳歲在壽星倉龍癸酉

服虔注云倉龍太歲是也太陰或曰歲陰史記天官書云攝提格歲歲

陰左行在寅歲星右轉居丑是也 錢氏淮南子天文訓補注云青龍

天一太陰皆謂陰德也大卯宮故曰青龍此青龍非太歲又云周禮保

章氏注歲星為陽右行于天太歲為陰左行于地十二歲而小周鄭所

謂陰據太歲對歲星言之尚非謂歲陰既太歲歲星行有左右則與斗

建日躔無異故樂說云歲星與日常應太歲月建以見謂歲星與日同

次之月其斗所建之辰常有太歲也古人視歲星以知太歲因以太歲

名年爾雅太歲在甲曰闕逢在寅曰攝提格是也至西漢時復因太歲

而知歲陰命其時所謂顛頊歷上元為太歲甲寅推前三百三十八算

而得太陰甲寅于六十干支後三十八算于十二辰則後二算必三百

三十八算者略以五星通率推得之其氣朔則正月朔旦啟蟄也故天官書曰攝提格歲歲陰左行在寅歲星右轉居丑丑爲星紀日月五星于是始故治曆者必用此爲十二次之首卽以爲歲陰在攝提格之歲其太歲則在子是以孝武太初元年太歲在丙子而詔以爲復得焉逢攝提格之歲蓋用歲陰名也小司馬不知其義謂史漢曆法不同誤矣歲星在丑歲陰在寅則歲星在子歲陰在卯歲星在酉歲陰在午可知由是一左一右周行十二辰淮南由太陰以推歲星義正同也案錢氏辨論本於錢氏大昕潛研堂集而高郵王文簡經義述聞太歲考以太歲太陰天一攝提青龍爲一其說甚核俟更詳之

書星次例

樊毅修華嶽廟碑惟光和元年歲在戊午名曰咸池

集古錄 隸釋古文苑作西嶽華山亭碑

古文苑戊午作戊子

隸釋曰淮南子論天之四宮曰咸池者水魚之圉天官書云西宮咸池曰天五潢奎婁胃昴畢觜參居之敦并歲歲星以五月與胃昴畢晨出東方名曰天津蓋三宿在西宮之中而歲星以午年舍其分故以咸池爲名所云天津者亦取五潢之意淮南又以斗杓爲小歲咸池爲大歲而謂其每歲自卯逆行四仲卽陰陽家所推以忌乘航者是也許祭酒注云咸池星名水魚天神蓋經星隨璇璣之運不可離其次者周流四仲當是其神爾故晉志又曰咸池魚圉也案晉書志天文上云五車五星三柱九星在畢北其中五星曰天潢天潢南三星曰咸池魚圉也隋書志天文上畧同又云咸池明有龍墮死猛獸及狼害人若兵起淮南天文訓曰正月建寅月從左行十二辰咸池爲太歲二月建卯月從右行四仲終而復始錢氏補注曰淮南有兩太歲此太歲非太一也或說太當爲大然義則同咸池直參參主斬伐咸池在其上故不可向太史

公曰西宮咸池猶言西宮白虎也

唐會要載九宮貴神天蓬星太乙坎水白天内星攝提坤土黑天衡星軒

轅震木碧天輔星招搖異木緣天禽星天符中土黃天心星青龍乾東金白天柱星咸池兌金赤天任星太陰艮土白天英星天乙離火紫

方朔七諫云哀人事之不幸兮屬天命而委之咸池亦以咸池為凶神

咸池所建當以日所在定之正月日在亥加時酉則咸池在午二月日

在戌加時巳則咸池在卯三月日在酉加時丑則咸池在子四月日在

申加時酉則咸池在酉以此差次夏三月加時如春三月秋冬亦然而

寅午戌之月咸池常在午亥卯未之月咸池常在卯巳酉丑之月咸池

常在酉申子辰之月咸池常在子所以然者咸池屬金巳酉丑三時亦

金也故必以其時居于四正而其月自以木火金水為類不相凌越也

錢氏潛研堂文集問淮南以咸池為太歲與它書所言太歲又異何

故曰淮南書云斗杓為小歲咸池為大歲又云大時者咸池也小時者

月建也咸池與月建大小相對初未嘗指咸池為太歲其作太歲者後

人轉寫之譌吳斗南兩漢刊誤謂淮南不名天一為太歲又自以咸池

名之則南宋本已誤 又與梁燿北論史記書咸池本兼五潢五車三

柱而言故云天五潢又云五帝車舍其匡衛甚廣因以表西方諸宿淮

南天文訓咸池者水魚之圉也又云斗杓為小歲咸池為大歲蓋斗為

帝車咸池亦以五車為匡衛皆有運行之象故指其所建以定四時天

潢之義與咸池同潢即池也後人析為數名以小三星當咸池失其義

矣史公以紫宮房心權衡咸池虛危為天之五官豈專指三小星而言

哉 又養新錄曰歲在子卯午酉則歲所直之月正當咸池之位如卯

年卯月咸池在卯午年午月咸池在午酉年酉月咸池在酉子年子月

咸池在子故名曰咸池也咸池太歲與斗杓小歲相對洪氏謂歲星以

午年舍其分故以咸池為名此則誤會史記之意史記所謂歲陰在午

歲星居酉者謂太陰在午非太歲在午也若太歲在午則歲星當以五

月與東井輿鬼晨出東方與咸池無涉矣

祝長嚴訢碑和平元年歲治東宮星屬角房月建朱鳥金石錄

荆州刺史度尚碑永康元年歲在鶉尾釋隸

外黃令高彪碑惟中平二年月次星紀同

日知錄曰春秋之世各國皆自紀其年或參互而不易曉有舉歲星而

言若歲五及鶉火歲及大梁歲在姬訾之口也案周亦用星次紀時不

但列國為然周語伶州鳩曰昔武王伐殷歲在鶉火月在天駟日在析

木之津辰在斗柄星在天竈星與日辰之位皆在北維古人以星次紀

時其詳如此

書月律例

祝長嚴訢碑月建朱鳥中呂之均金石錄

堂邑令費君碑无射之月同上

律中中呂者夏正四月律中無射者夏正九月均即韵字所謂律中也

月令鄭注云律候氣之管以銅為之中猶應也謂吹灰也正義蔡邕云

以法為室三重戶閉塗墁必周密布緹縵室中以木為案每律各一案

內庫外高從其方位加律其上以葭灰實其端其月氣至則灰飛而管

通如蔡所云則是為十二月律布室內十二辰若其月氣至則其辰之

管灰飛而管空也然則十二律各當其灰斜埋地下入地處庫出地處

高故云內庫外高黃鐘之管埋於子位上頭嚮南以外諸管推之可悉

知

書朔例

修西嶽廟復民賦碑光和二年十二月庚午朔十三日壬午集古錄又

六年二月壬午朔
二十五日丙午

西嶽石關銘永和元年五月癸丑朔六日戊午金石錄又武氏石關銘
建和元年三月庚戌朔四

日癸丑又禹廟碑光和二
十二月丙子朔十九日甲子

孔廟置守廟百石孔龢碑元嘉三年三月丙子朔廿七日壬寅又永興元

年六月甲辰朔十八日辛酉三月癸卯朔七日己酉又廣漢太守沈子瑛

縣竹江堰碑熹平五年五月辛酉朔一日辛酉又綏民校尉熊君碑見後

吳氏仁傑兩漢刊誤補遺曰王王世家並載諸臣奏疏其著朔可為後

世法程曰王月戊申朔乙亥御史臣光守尚書令丞非下御史書到言

丞相臣青翟御史大夫臣湯云去昧死上言臣請立臣閔臣旦臣胥為

諸侯王云云制曰可四月戊寅朔癸卯御史大夫湯下丞相丞相下中

二千石二千石下郡守諸侯相丞前言戊申朔則乙亥為二十五日矣

前言戊寅朔則癸卯為二十六日矣中興以後有司失其傳如先聖廟

碑載三月丙子朔二十七日壬寅修西嶽廟碑載十二月庚午朔十三

日壬午烏有知朔為丙子庚午而不知壬寅壬午為二十七日十三日

者哉斯近贅矣今世碑記祭文踵先漢故事可也 日知錄曰今人謂

日多曰日子日者初一初二之類是也子者甲子乙丑之類是也周禮

職內注曰若言某月某日某甲詔書或言甲或言子一也文選陳琳檄

吳將校部曲文年月朔日子李周翰注曰子發檄時也漢人未有稱夜

半為子時者誤矣古人文字年月之下必繫以朔必言朔之第幾日而

又繫之干支故曰朔日子也又曰漢人之文有即朔之日而必重書一

日者江堰碑朔一日辛酉熊君碑朔一日丙寅此則繁而無用不若後

人之簡矣 處士嚴發殘碑云戊申朔五日癸丑隸續載此碑而解之

曰召誥云戊午社于新邑越七日甲子是從戊至甲為七日畢命云六

月庚午朏越三日壬申亦是從朏至壬為三日西漢律厯志引逸書粵

五日乙卯亦然惟武成云丁未祀于周廟越三日庚戌則是祀廟之後

三日去丁而不數與召畢二篇立文不同此碑正用武成句法案嚴發

碑去戊不數別為五日雖用武成句法然非正例不錄

書閏例

太傅安樂侯胡公夫人靈表建寧三年薨其閏月附于太夫人

蔡中郎集

無名碑光和四年閏月庚申

集古錄案此即敬仲碑集古錄重見誤金石錄曰其額云漢揚州刺史敬君之銘

日知錄曰通鑑書閏月而不著其為何月謂做春秋之法非也春秋時閏未有不在歲終者自太初歷行每月皆可置閏若不著其為何月或上月無事則後之讀者必費於追尋矣新唐書亦然惟高宗顯慶二年正月無事乃書曰閏正月壬寅如洛陽宮案春秋時置閏不定在歲終錢氏大昕閏月說云先王之正時也履端於始舉正於中歸餘於終所謂歸餘者謂有餘日則歸之於終積而為閏非歲終之謂也何以言之春秋經傳書閏月者九襄九年閏月杜氏謂門五日之訛其餘八閏惟成十七年閏月昭二十二年閏月傳文上有十二月其在歲終無疑若

文六年閏月不告朔傳在冬十一月之後則未知其在十一月與十二月與僖七年閏月惠王崩哀五年閏月葬齊景公哀十五年閏月渾良夫與太子入經傳皆上有冬字則未知其在十月與十一月與十二月與文元年閏在三月昭二十年閏月殺宣姜傳文上有八月下有十月故孔氏以為閏在八月後此兩閏不在歲終傳有明文也然則春秋何以譏閏三月曰漢志文公元年閏餘十三閏當在十一月後而在三月故傳曰非禮此據三統歷言之也杜預云於法閏當在僖公末年誤於今年置閏此據長歷言之也漢志謂失之前杜氏謂失之後兩說不同要非以其不在歲終而譏之也然則秦漢何以書後九月曰此秦法非古法也秦法應置閏者置之歲末漢初猶因之蓋傳會左氏歸餘於終之文而失之者也謂為秦法有徵乎曰漢人固言之矣續漢志延光二年尚書令終上奏謂漢祖受命因秦之紀十月為年首閏當在歲終不

稽先代違於帝典是也孫氏星衍閏月古不在歲終辨云宣城梅氏云考古以歲終置閏爲合定時以無中氣置閏爲安云云案無中氣置閏卽是古法古無歲終置閏術也左傳襄二十七年十一月日有食之辰在申司歷過也再失閏矣漢書律歷志辰者日月之會而建所指也孟康注辰謂斗建杜預注謂斗建指申周十一月今九月斗當建戌而在申是古視斗柄正閏之據又哀十二年十二月螽仲尼曰火伏而後蟄者畢今火猶西流司歷過也杜預注火心星也火伏在今十月猶西流言未盡沒知是九月歷官失一閏案火星在卯度火西卽卯加酉卯加酉則辰加申子加午中星爲虛是古視中星卽知斗柄之證周書閏月無中氣斗指二辰之間王肅注虞書亦云斗之所建是爲中氣日月所在斗指兩辰之間無中氣故以爲閏也據此二說則顧氏謂春秋時閏未有不在歲終誤也閏不在歲終而不書月數自是作史之體顧氏駁

之非也史記呂后孝景紀秦楚之際月表高祖功臣年表建元以來侯者年表王子侯年表並稱後九月沿秦制文穎所謂時律歷廢不知閏謂之後九月是也置閏以後則書閏月不書月數建元以來侯者年表元封元年閏月徐廣曰閏四月是也兩漢書帝紀天文志漢書王子侯表下景武功臣表百官公卿表下後漢書五行志閏月皆不書月數惟王子侯表樂平侯訢下云閏六月壬午封此則誤衍六字不得執此以變全書之例也後漢書郎顛傳詣闕拜章曰臣竊見去年閏十月十月己丑此則封事宜詳明與紀載體別又案金石同例博古圖載漢書言府弩機銘云延光三年閏月亦閏月不書月數之證

書廿書卅書卅字例

孔廟置守廟百石孔龢碑元嘉三年三月廿七日云云

同日云云

隸釋下同

右書廿隸釋老子銘無極山碑青衣尉趙孟麟羊竇道碑溧陽長潘乾

校官碑敦煌長史武斑碑郎中鄭固碑中常侍樊安碑冀州刺史王純
碑司隸從事郭究碑小黃門譙敏碑園令趙君碑綏民校尉熊君碑高
陽令楊著碑成陽令唐扶頌費亭侯曹騰碑陰金廣延母徐氏紀產碑
益州太守城垣碑隸續防東尉司馬季德碑建平邗縣碑武都太守李
翁天井道碑司隸校尉楊淮碑韓勅孔廟後碑陰博士題字黃龍甘露
碑真道家地碑斥彰長田君斷碑並同

無極山碑在西南卅里去云

右書卅隸釋梁相孔耽神祠碑郎中馬江碑費鳳別碑綏民校尉熊君
碑國三老袁良碑車騎將軍馮緄碑執金吾丞武榮碑隸續漢安長陳
君閣道碑繁長張禪等題名封邱令王元賓碑延年益壽柳題字並同
孔廟置守廟百石孔儼碑選其年卅以上經通一藝云云

右書卅隸釋梁相孔耽神祠碑郎中鄭固碑議郎元賓碑郎中馬江碑

博陵太守孔彪碑趙相雍勸闕金廣延母徐氏紀產碑隸續膠東令王
君廟門斷碑冀州從事郭君碑堵陽長劉子山斷碑並同案說文十部
云廿二十并也古文省多禹下云廿古文疾童下云廿古文以為疾卅
部云卅三十并也古文省惟卅字未收然林部云叅無豐也从林爽爽
或說規模字從大卅卅數之積也說文本文俱依段氏訂增則是說文已有此字段
氏說文注曰省多者省作二十兩字為一字也考工記程長倍之四尺
者二十分寸之一謂之枚本於二字為句絕故書十與上二合為廿此
可證周時凡言二十可作卅也古文廿仍讀二十兩字秦碑小篆則維
廿六年廿九年卅有七年皆讀一字以合四言廿之讀如入卅之讀如
鞞皆自反也至唐石經二十皆作廿三十皆作卅則仍讀為二十三
矣顧氏金石文字記唐石經凡二十字皆作廿三十字皆作卅案古詩
記秦始皇刻石如廿有六年維廿九年卅有七年卅篆不見於本書未
則當如廿字卅字今改經文而為廿卅字非矣

部鞋下曰卅又用卅字漢石經論語年卅見惡焉是卅為四十并猶廿為二十并卅為三十并也其音則廣韻先立切四十之合聲猶廿讀如入卅讀如鞞也廣韻引說文云數名卽此 惠氏棟左傳補注曰隱二年傳惠之二十四年唐石經廿四年下惠之三十年唐石經卅年此古文左氏傳本文也說文廿二十并卅三十并古文省說文所謂古文乃孔壁中文也蔡邕石經論語云卅而立又云年卅而見惡焉又云凡廿六章鐘鼎文如秦權微欒鼎二十字作廿石鼓文周陽侯鐘三十字作卅可為左證案鐘鼎文書卅書卅尚不止此博古圖載漢孝成鼎汾陰宮鼎並書廿漢好時供厨鼎綏和壺並書卅廿亦或書十十見汾陰宮鼎

碑末書立碑年月朔日太歲例

綏民校尉熊君碑末建安廿一年十口月丙寅朔一日丙寅太歲丙申造

釋錄

有書年月日不及朔與太歲者武都太守李翕碑碑云建寧四年六月十三日壬寅造金

石錄下同斥彰長碑云熹平六年十月九日辛酉造逢盛碑云光緒四年四月五日丁卯立圍合趙君

碑碑云初平元年十二月二十八日立書年月日不書日者巴郡太守

樊君碑碑云建安十年二月漢安長陳君閣道碑碑云永建五年孟春下旬隸續書

年月不書日者成陽靈臺碑碑云建寧五年五月造隸釋文有詳畧無義例也

碑末書立碑人爵里姓名字及年月日例

溧陽長潘乾校官碑末丞沛國銍趙勳字蔓伯云云時將作吏名戶曹掾

楊淮云云光和四年十月己丑朔廿一日己酉造隸釋

官書里書字吏不書里書字卑者略之也 有書立碑人爵里姓名字

及立碑年者白石神君碑碑云光和六年常山相南陽馮巡字季祖云云隸釋書立碑爵里姓名

名及立碑年月日者武都太守耿勳碑碑云熹平三年四月廿日壬戌西部道橋掾下辨李禔造隸

續書立碑爵里姓及立碑年月日外黃令高彪碑碑云惟中平二年龍
守廬江龍舒范府不名者尊之不字者卑之月日不備者略之
君云云 隸釋

碑末碑陰書立碑人姓字不書名例

殘碑陰王伯鄉趙仲方云云集古錄

太尉楊震碑陰河間賈伯綺博陵劉顯祖云云上同

魯相韓勅造孔廟禮器碑末故涿郡太守魯庶次公故會稽太守魯傅世

起故樂安相魯庶季公去云碑陰河南成臯蘇漢明河南雒陽李申伯云

云隸釋 案碑陰曲 成侯王壽書名

童子逢盛碑陰五官掾崔孟祖云云上同

元儒先生婁壽碑陰故五官掾婁口守長史掾夏光淵云云上同

高陽令楊著碑陰口口孫甫口鉅鹿時稚明云云汝南陳萬昌云云上同

冀州刺史王純碑陰東平馮定伯云云隸釋 案碑陰曰漢人題名間有數人稱字全碑不名者楊震楊著王

純婁壽

四碑

司隸校尉魯峻碑陰文臺郝仲軍云云上同

蕩陰令張遷碑陰故安國長章叔珍云云金石萃編 案碑陰凡四十一人惟范巨范成章宣三人似書

名餘皆書字錢氏金石文跋尾曰古人命字有祇一字者三人當亦其字是也

隸釋曰漢人題名必書名字否則各有說也楊震碑陰孫定博諸人不

名者非其門生也逢盛碑陰崔孟祖數人不名者其父黨也題名於韓

勅碑左即碑末凡八人魯之二庶一傳不名者別守相之尊也案此說錯 韓勅碑左

字相皆書名二庶一傳皆已故當是齒德俱尊張納碑陰主簿白文已下不稱字者示其卑於

從事李元也案碑李元名字並見白文已下有名無字是以書字為尊史晨後碑五官掾孔暢六人

不稱字者亦示其卑於長史李謙也案碑李謙名字並見 孔暢等有無字韓勅碑左褒

成侯孔建壽爵齒俱尊而在子姓之間宜其不名餘人雖不見爵秩當

亦是一時耆老獨曲成侯王嵩一人不稱字豈爵雖襲而年尚穉者乎

又曰楊著碑沛君沛相統也後公太尉乘也碑云鉅鹿時雅明云云有君門生沛君者著之從兄後公者著之季父非著之門王故不名案碑

陰書名字常例也其有單書名以示卑單書字以示尊如洪氏所言是

也然亦有卑賤者單書字隸釋載龍門禹廟題名宗季方云云洪氏據

趙氏以為龍門復民隸釋載韓勅後碑陰孔子家下復民吳仲初云云

或書字或書小名洪氏謂皆羣小不當律令案尊卑不嫌同辭有以書

字尊其人有以書字略其人也

碑末書撰文寫碑刻碑人姓名例

李翕析里橋郝閣頌碑末從史位□□□□字漢德為此頌故吏下辨□

□□子長書此頌時石師南□□□威明隸釋曰李翕天井道碑題名從史位下辨仇清字

漢德書文郝閣題名云從史位字漢德為此

頌中間姓名刻關得此乃知前碑亦仇所作

僅書寫碑刻碑人姓名不及撰文人者巴郡太守樊敏碑碑云石工劉盛息懍書

隸釋曰劉盛刻南安長王君平鄉道碑碑云兼戶曹掾何童史

其石而隸續曰劉盛刻南安長王君平鄉道碑碑云兼戶曹掾何童史

回隸續曰劉盛刻南安長王君平鄉道碑碑云兼戶曹掾何童史

書崖當是道與書古人文字簡質不分析僅書撰文人者太尉橋元碑

碑云光和水經注此三碑之一僅書寫碑人者敦煌長史武斑碑

作碑文尚書丞沛國蕭曹芝宣成武令中山安惠曹种

碑云尚書丞沛國蕭曹芝宣成武令中山安惠曹种

伯允書此碑嚴祺字伯允隸釋曰小歐陽集古錄目

云嚴祺字伯允嚴祺字伯允隸釋曰小歐陽集古錄目

者紀伯允而嚴祺字伯允隸釋曰小歐陽集古錄目

碑末書立碑人先書爵次郡名次縣名次姓名其末特書書此碑嚴

碑末書市石察書刻碑人姓名例

西嶽華山廟碑末京兆尹勅監都水掾霸陵杜遷市石遣書佐新豐郭香
察書刻者潁川郡鄆公脩蘇張工口君口

隸釋曰東漢循王莽之禁人無二名郭香察書者察涖他人之書小歐

陽以爲郭香察所書非也金石文字記曰察書乃對上市石之文則香

者其名而特勘定此書者爾考之博古圖諸書有孝成鼎銘曰工王褒

造句左丞輔人掾譚人守令史承人省人省大官銅鐘曰考工令史古

丞或人名通名主句太僕監掾蒼人名省人省案博古圖漢太官壺銘云

通主太僕綏和壺曰掾臨人名主句云塗工乳護級疑三人名守右丞同

人守令寶省人省句上林鼎曰工史榆造句監工黃佐李負芻言省言監

即察書之類也郭香經室三集漢延熹華嶺廟碑跋曰郭香察書或以爲

敬引徐季海浩古跡記今以後漢書蔡邕傳推之桓帝時中常侍徐漢
左相等五侯擅恣聞邕善鼓琴遂白天子勅陳留太守督促發遣邕不
得已行到偃師稱病而歸間居詭古不交當世建甯三年辟司徒橋元
府案五侯擅恣在桓帝延熹二年邕耻以宦官進故至偃師以病回里

延熹八年春愴以罪自殺度邕此時始稍出遊入關故八年至華陰爲
太守書碑而郭香通奉京兆尹遣來察書因此相識或相交契靈帝熹
四年郭香爲太史治術郎中馮光陳晃上言天元不正攻及郭香詔
下三府集議伯喈首發議騷郭香四分鶴爲非妄光晃議罪是伯喈與
郭香學術交遊之蹤蹟也

碑文左旋例

江原長進德碣君諱龍字進德故蜀郡江原長延熹三年工口孟彥造作

隸釋

隸釋曰碣文由左而右案博古圖周言肇鼎銘威君鼎銘仲馭父敦蓋

銘其文並左旋金石同例故碣文由左而右徐君鼎曰薛氏欵識載君

季鼎方寶駝文皆左旋案薛氏書田季如匪冀師臝文皆由左而右又

伯寶卣第三蓋文左旋器文右旋仲駒敦蓋文右旋器文左旋

碑文橫書例

處士金恭闕橫書處士金恭字子口

隸釋

隸釋曰以墓碣及金廣延母碑參之知其字子肅此字橫刻隸續曰金恭闕橫刻金君姓名次列一人執扇乘馬知是金君案橫書乃外夷書體史記大宛列傳安息書草勿行以為書記漢書音義曰橫行為書記史記索隱曰韋昭云外夷書皆旁行徐君稟曰薛氏欵識載諸旅鬲及張仲簠四器似亦橫書者

蜀郡屬國造橋碑碑首橫書蜀郡屬國明府潁川陽翟辛君字通達卿捷為李君字仲曾口口口口隸釋

隸釋曰碑首刻二人冠帶相向而坐一器居中如豆登之狀後有二人折腰低首雙垂其袖若胡舞者其上橫行有數字惟府卿明府四字不毀二人之下又橫刻二十有六字仲曾下三字不可曉

碑陰有額例

太尉郭禧碑陰額故吏人名金石錄

泰山都尉孔宙碑陰額門生故吏名隸釋

中部碑陰額中部碑上

司空宗俱碑陰額門生立碑人名隸續

陳德碑陰額故門下史人名金石萃編

諸額皆直書其有橫書者隸續載尉氏令鄭季宣碑陰橫書尉氏處士故吏人名是也不別為例 又白石神君碑陰額務城神君錢二萬云

見沈君壽常山貞石志 按出錢人亦稱神君此非禮也故不錄

碑陰標目例

王純碑陰首行自標云諸門生人名隸續

額者書於碑文之上標目者即碑文之首行與碑文平故別為例

碑陰書立碑人錢數例

靈臺碑陰司徒掾仲選孟高出錢二千鉅鹿太守仲訢伯海出錢萬呂長

仲球伯儀出錢三萬七千云云隸釋下同

魯相韓勅造孔廟禮器碑潁川長社王元君真二百云云故涿郡太守魯
庶次公五千云云

義井碑陰五大夫王口本二萬五大夫殷口本二萬云云

碑陰條列出錢立碑人爵里姓名不書錢數此最得體然俗士捐財
急於自見不書錢數則樂輸者無以勸乃於漢碑中錄其書出錢若干
者書本若干者以示例餘不悉錄

碑陰書立碑出錢人子弟統於父兄例

太尉陳球碑陰故吏云云息口故吏云云息權隸釋

右子統於父 隸釋曰此碑前二行特書兩人之事與他碑不同雖文
字漫滅其中皆有息字次行息之上又有早終字蓋謂二人者已卒所
出緡錢則其子也

靈臺碑陰義民陳彥弟富富弟贖出錢千隸釋

韓勅孔廟後碑陰故苦令任城李馥叔華弟郎中季華三千隸釋


右弟統於兄

碑末既書出錢人姓名復於出錢人中稱美其好義樂輸者例

成陽靈臺碑陰惟仲阿東年在元冠幼有中質遵拒蹈規上仁好義見羣
從無者代出錢萬以立碑大意翻然君子善之恩加骨口鄉朝所稱縣令
菅君即請署門下議生都市掾官未可測矣隸釋

碑陰末稱美工師例

成陽靈臺碑陰末伏福字仲淵累世同居州里稱術同慈孝大聖立祠時
令菅君欲造皇屋壁廡來索忠良咸白福閭葵溢口口離口周理字文機
口口口口嚴萌將作福更縣掾功曹府諸曹史府諸曹史守尉隸釋



板存山東省城濟南府右學
門中間路北文友堂藏

